



Azpeitiko Udala

AZPEITIKO MUSIKA BANDA ELKARTEARI ZUZENeko DIRULAGUNTZA EMATEA ARAUTZEN DUEN HITZARMENA 2021. (21-72D)

Azpeitian, 2021ko uztailaren 1ean

BILDURIK

Alde batetik, **NAGORE ALKORTA ELORZA**, NAN 72.471.832-M duena, Azpeitiko Udalaren Alkate-Udalburua.

Bestetik, **JOSU EIZAGIRRE ARREGI**, NAN 44335233L duena, AZPEITIKO MUSIKA BANDA ELKARTEko lehendakaria (IFZ: G20943841).

BERTARATU DIRA

Lehena, Azpeitiko Udalaren ordezkari-lanetan, Udalbatzak 2019ko ekainaren 13an egindako bilkuran hartutako erabakiaren bidez egintza honetarako baimendua.

Eta bigarrena, AZPEITIKO MUSIKA BANDA ELKARTEAREN ordezkari-lanetan, bere organu gorenak 2019ko maiatzaren 21ean egindako bilkuran lehendakari erabakariaren bidez izendatua eta honetarako baimendua.

Bi aldeek aitortzen diote elkarri agiri hau izenpetzeko eta jarduteko behar den gaitasun juridikoa eta honakoak azaltzen dituzte:

AURREKARIAK

Aurreko mendean, herriko seme eta musiko talde batek, Udalaren laguntzarekin, abian jarri zuen, gure herriko musika mugimenduaren bilakaeran eta gure herriko historian, hain garrantzitsua suertatu den **Herriko Musika Banda**. Egitasmo honetan, halaber, ezin da ahaztu musika bandaren harrobi bikaina izan den eta den herriko Juan de Antxieta Musika Eskola.

Egitasmo honen baitan, urtez urte herriko banda etengabeko eraldaketa prozesu batean aritu da, eta horren ondorioz bere funtzionamendua aldatzen joan da. Egun, Herriko Musika Banda elkarte bat da, barne antolaketa eta funtzionamendu propioa duena. Udalaren laguntza zuzena du hainbat arlotan, eta ezinbesteko harremana herriko Juan de Antxieta Musika Eskolarekin.

Aurrekariak:

Aurreko mendean herriko seme eta musiko talde batek, Udalaren laguntzarekin, abian jarri zuen, gure herriko musika mugimenduaren bilakaeran eta gure herriko historian, hain garrantzitsua suertatu den **Herriko Musika Banda**.



Azpeitiko Udala

Egitasmo honen baitan, urtez urte herriko banda etengabeko eraldaketa prozesu batean aritu izan da, eta horren ondorioz bere funtzionamendua aldatzen joan da. Egun, Herriko Musika Banda elkarte bat da, barne antolaketa eta funtzionamendu propioa duena. Udalaren laguntza zuzena du hainbat arlotan, eta ezinbesteko harreman zuzena du herriko Juan de Antxieta Musika Eskolarekin (bandaren harrobia).

Elkartearen helburua musika gure herritarren artean zabaltzea eta sustatzea da. Urtean zehar, hainbat kontzertu eskaintzen ditu, eta herriko festetan parte hartze aktiboa du.

Udalak urtez urte elkarte honekin elkarlanean aritzeko borondatea adierazi du; Herriko Musika Banda Azpeitiko nortasunaren adierazgarri bat delako kultur alorrean. Hain zuzen, 2020-2022 epealdirako onartu den Dirulaguntzen Plan Estrategikoak festetako jarduerak sustatzeko eta dinamizatzeke dirulaguntza atalean, musika programazioa aberasteko dirulaguntza lerro bat aurreikusi du, herriko musika bandarekin lankidetzan.

Laguntza lerro honen bidez Udalak honako helburu estrategikoak lortu nahi ditu: Komunitatearen garapena eta kulturartekotasuna bultzatzea; Azpeitiko kultur sorkuntza eta musika programazioa aberasten laguntzea; Musika-tradizioaren berreskurapena sustatzea eta musikaren esparruan, udalerrak beste udalerrak eta lurralde batzuekin dituen harremanak sendotzea.

Herriko Musika Bandaren izenean Iosu Eizagirre Arregik 2021eko ekitaldia aurkeztu du Udal honetan, eta Udal Festa, Gazteria eta Hezkuntza Batzordeak 2021ko ekainaren 9an egindako bilkuran aldeko irizpena eman dio aurtengo ekitaldirako egitasmoari, ohartaraziz oraindik ere COVID-19 pandemiaren arrazoiarengatik egutegi aldatu litekeela.

Onuradunak aurtengo ekitaldirako aurkeztu duen programaren bidez lortu nahi diren ondorioak honako honako hauek dira: ohiturak eta tradizioak sustatzen dituzten aisialdiko ekitaldien eskaintza bat egotea; herriko musikarien parte-hartzea areagotzea jai-ekitaldietan, eta nola ez, musika-tradizioari eustea, beti ere, herritarrek kulturaren sarbidea izan dezatela bermatzeko.

Horiek horrela, parte-hartzaileek, duten ordezkaritzaaren arabera, bere burua lotzeko gaitasuna dute eta hori aitortzen diote elkarri; hortaz, azaroaren 17ko 38/2003 Legearen 28. artikulua kontuan izanik, hurrengo lankidetzak hitzarmena gauzatzeko, hauek erabaki dituzte:

Dirulaguntzei buruzko azaroaren 17ko 38/2003 Lege Orokorak 22.2 artikuluan xedatzen du Toki Administrazioak aurrekontuetan aurreikusitako dirulaguntza izendunak zuzenean eman ahalko direla, betiere, dirulaguntza arautzen duen hitzarmenean eta dirulaguntzak arautzen dituen araudian jasotako baldintzetan.

Lege bereko 28. artikulua dirulaguntzak zuzenean emateko prozedura arautzen du, zehaztuz, hitzarmenak direla Toki Administrazioek aurreikusitako dirulaguntza izendunak bideratzeko ohiko tresnak. Hitzarmenek, legean xedatutakoa betez, aplikagarriak diren baldintzak eta konpromisoak jasoko dituzte.

Uztailaren 21eko 887/2006 Errege Dekretuko 65. artikulua arabera aurrekontuetan aurreikusitako dirulaguntza izendunak izango dira, xedea, aurrekontu-zuzkidura eta onuraduna



Azpeitiko Udala

aurrekontuaren gastuen egoera-orrian berariaz zehaztuta dituztenak. Gainera, dirulaguntza horiek emateko prozedura ofizioz hasi daiteke edo eskatuta eta dirulaguntza arautzeko oinarri izaera izango duen hitzarmenarekin amaituko da.

Dirulaguntza hau Azpeitiko Udaleko 2020-2022 Diru-laguntzen Plan Estrategikoan jasota dago kultura sailari dagokion VII. eranskineko festetako jarduerak sustatzeko eta dinamizatzeko ekimen eta proiektuei laguntzeko programa lerroan.

Beraz, dirulaguntzen Lege Orokorrean eta aplikagarria den gainerako araudian ezarritakoa betez, bi aldeek hitzarmen hau izenpetzeko erabakia hartu dute, ondorengo baldintza edo xedapenen arabera:

1. HELBURUA.

Hitzarmen honen xedea da AZPEITIKO MUSIKA BANDA ELKARTEaren aldeko zuzeneko diru-laguntza bat arautzea, Elkarteko funtzionamendu-gastuak finantzatzeko.

AZPEITIKO MUSIKA BANDA ELKARTEak, komunitatearen garapena eta kulturartekotasuna bultzatzeko bere ohiko jardueraren funtzionamenduaz gain, 2021. ekitaldirako egitasmoan jasotako ekintzak bideratuko ditu. Ekintza horiek **“AZPEITIKO MUSIKA BANDAREN 2021eko EGUTEGIA”** dokumentuan jaso dira. Dokumentu hori hitzarmenaren **Eranskin** bezala jaso da.

Azpeitiko Herriko Musika Banda elkarteak hainbat kontzertu eta emanaldi eskainiko die bere bazkide, jarraitzaile eta ikuslegoari 2021ko ekitaldi honetan.

Kontzertu eta emanaldi horiek Udalaren Kultur Batzordearekin adostu den egutegian oinarrituko dira (eranskin moduan jaso da egutegia).

Kontzertuak eta gainontzeko emanaldiak urtean zehar hilero banatuko dira, herriko festa egun berezietan edota elkarrekin adostutako jai-egunetan.

Kontzertuak ematerakoan ikuslegoaren erosotasuna aintzat hartuko da, eta hori horrela izanik, kontzertuen kokapena adostuko da Udalarekin, modu orokorrean aipatutako egutegiaren barruan eta kasu bereziren batean Udalaren barruan horretarako eskumen duen organoarekin.

Herriko festetan jarraituko den ibilbidea festa-jardueraren baitan zehaztuko da urtez urteko ohiturak jarraituz.

Azpeitiko Udaleko eta Herriko Musika Banda elkarteko ordezkariak lantalde bat osatuko dute hitzarmenari jarraipena egiteko xedez eta urtean gutxienez bi aldiz elkartuko dira. Bi alderdietako batek beste bilerarik eskatuz gero ere elkartuko dira.

2. ARAUBIDE JURIDIKOA.



Azpeitiko Udala

Diru-laguntza hau arautuko dute, errege dekretu honetan eta diru-laguntza emateko ebazpenean bereziki xedatutakoak ez ezik, Diru-laguntzei buruzko azaroaren 17ko 38/2003 Lege Orokorrean eta uztailaren 21eko 887/2006 Errege Dekretuak onartutako hura garatzen duen Erregelamenduan aurreikusitakoak ere, publizitate- eta lehia-printzipioei eragiten dienean izan ezik, bai eta, modu osagarrian, urriaren 1eko Administrazio Publikoen urriaren 1eko 39/2015 Legean (urriaren 1eko Administrazio Prozedura Erkidearen Legea) aurreikusitakoa ere.

3. DIRU-LAGUNTZA EMATEKO PROZEDURA.

Diru-laguntza hau zuzenean emango da, azaroaren 17ko 38/2003 Legearen 22.2.a) artikuluan xedatutakoaren arabera. Dirulaguntza honen oinarri arautzaileak hitzarmen honetan zehazten dira, azaroaren 17ko 38/2003 Legearen 28.2 artikuluan eta azaroaren 17ko 38/2003 Legearen Erregelamenduaren 67. artikuluan xedatutakoa betez.

Udalaren Kultura Saila izango da laguntzaren organu-kudeatzailea, eta laguntzaren jarraipena Udalaren kultura Batzordea izango da.

Diru-laguntza honen publizitatea Udalaren web orrian eta Diru-laguntzen Datu-base Nazionalean egingo da.

4. GAUZATZE ALDIA

Diruz laguntzen diren jarduerako egiteko aldia 2021eko urtarilaren 1etik abenduaren 31ra arte luzatuko da.

5. LAGUNTZAREN ZENBATEKOA ETA FINANTZAKETA

Diru-laguntza Udalaren 2021. ekitaldirako gastu-aurrekontuaren kontura finantzatuko da, 54.816,67 euroko zenbatekoarekin, 1.0800.481.334.00.01 Musika Banda aurrekontu-aplikazioaren kargura.

Hitzarmen honen helburua benetan gauzatzeko, Udalak honako eraikinaren erabilera lagatzen dio AZPEITIKO MUSIKA BANDA ELKARTEari: Soreasu 1 kalean kokatuta dagoen eraikinaren lokal bat.

6. LAGUNTZA ORDAINTZEKO MODUA

Onuraduna izateko baldintzak: Laguntzaren onuraduna izango den AZPEITIKO MUSIKA BANDA ELKARTEak azaroaren 17ko 38/2003 Legearen 13. artikuluan ezarritako baldintzak bete ditu diru-laguntza kobratzeko.

Ordainketa aurreratua: Diru-laguntzaren ordainketa bi zatitan egingo da; lehen ordainketa, kopuruaren %50 2021eko uztailan egingo da, eta bigarren ordainketa, kopuruaren beste erdia urte bereko azaroan gauzatuko da modu aurreratuan, dirulaguntzaren helburu diren jarduerak gauzatu ahal izateko beharrezko finantzaketa delako.



Azpeitiko Udala

Azaroaren 17ko 38/2003 Legearen Erregelamenduaren 42.2.d) artikuluan aurreikusitakoaren babesean, erakunde onuraduna bermea eratzetik salbuetsita geratuko da.

7. BESTE DIRU-LAGUNTZA, LAGUNTZA, DIRU-SARRERA ETA BALIABIDE BATZUEKIKO BATERAGARRITASUNA.

Diru-laguntza hau bateragarria da helburu bererako beste diru-laguntza, laguntza, diru-sarrera edo baliabide batzuekin.

Erakunde onuradunak aurreko paragrafoan aipatutako baliabideak lortu dituela jakinarazi beharko du. Jakinarazpen hori jakin bezain laster egin beharko da, eta, nolanahi ere, azaroaren 17ko 38/2003 Legearen 14.d) artikuluan ezarritakoaren arabera jasotako funtsei emandako aplikazioa justifikatu aurretik.

Jarduerak, diru-laguntza honekin finantzatzeaz gain, funts propioekin edo beste diru-laguntza edo baliabide batzuekin finantzatu badira, justifikazioan egiaztatu beharko da funts horien zenbatekoa, jatorria eta erabilera diruz lagundutako jardueretan, azaroaren 17ko 38/2003 Legearen 30.4 artikulua arabera.

Diru-laguntzaren zenbatekoak, bakarka edo beste diru-laguntza, laguntza, diru-sarrera edo baliabide batzuekin batera, ezin izango du diruz lagundutako jardueraren kostua gainditu.

8. JUSTIFIKAZIOA

Diruz lagundutako jardueren kontura egindako gastuak justifikatzeko epea hilabetekoa izango da, gauzatze-aldia amaitzen denetik aurrera. Hau da, 2022ko urtarrilaren 31a.

Diru-laguntzaren gastua justifikatzeko, erakunde onuradunak gastu-egiaztagiriak aurkeztu beharko ditu **justifikazio-kontuaren modalitatean**, azaroaren 17ko 38/2003 Legearen Erregelamenduaren 72. artikulua arabera.

Azaroaren 17ko 38/2003 Legearen 31. artikuluan ezarritakoaren arabera, 2021eko urtarrilaren 1etik abenduaren 31ra bitartean egindako gastuak egiaztatu ahal izango dira.

Justifikazio-kontuak honako informazioa eman beharko du:

1.- Diru-laguntza emateko ezarritako baldintzak bete direla justifikatzeko jarduketamemoria, egindako jarduerak eta lortutako emaitzak adierazita.

2. Egindako jardueren kostua justifikatzen duen memoria ekonomikoa, honako hauek jasoko dituen:

A) Jardueraren gastuen eta inbertsioen zerrenda sailkatua, honako hauek adierazita: hartzekodunaren eta dokumentuaren identifikazioa, zenbatekoa, jaulkipen-data eta, hala badagokio, ordainketa-data. Diru-laguntza aurrekontu baten arabera ematen bada, izandako desbideratzeak adieraziko dira.



Azpeitiko Udala

B) Diruz lagundutako jarduera finantzatu duten beste diru-sarrera edo diru-laguntza batzuen zerrenda xehatua, zenbatekoa eta jatorria adierazita.

C) Diru-laguntzen Lege Orokorraren 31.3 artikulua aplikatuz, onuradunak eskatu behar izan dituen hiru aurrekontuak.

D) Hala badagokio, itzulketaren ordainketa-gutuna.

Diru-laguntza ematen duen organoak egoki iritzitako egiaztagiriak eskatuko dizkio onuradunari, diru-laguntza behar bezala gauzatu dela egiaztatzeko.

Erakunde onuradunak bere gain hartzen du Diru-laguntzei buruzko azaroaren 17ko 38/2003 Lege Orokorraren 30. artikulua diru-laguntza publikoak justifikatzeari buruz ezartzen dituen betebeharrak.

Justifikazioan, hala badagokio, aplikatu gabeko gerakinen kasuan itzulketaren ordainketa-gutuna jaso beharko da, bai eta azaroaren 17ko 38/2003 Legearen Erregelamenduaren 72.2.g) eta 90. artikuluetatik eratorritako interesak ere.

9. GASTU HAUTAGARRIAK

Diru-laguntza honako kostu mota hauek finantzatzeko bakarrik erabiliko da:

A) Zuzeneko kostuak: elkarteko ohiko funtzionamenduari zuzenean lotutako gastuetatik eratorritakoak (langileak; dietak eta bidaiak; kontsumo-artikuluak; jardueraren garapenarekin zuzenean lotutako hornidura eta zerbitzu orokorrak; azpikontratazioa).

Erakunde onuradunak diru-laguntzaren xede den jarduera azpikontratatu ahal izango du, azaroaren 17ko 38/2003 Legearen 29.2 artikuluan ezarritako mugen barruan.

10. ALDAKETAK

Diru-laguntza ematea eragin duten inguruabarrak aldatuz gero, onuradunak hasieran aurreikusita zeuden jarduerak zabaltzeko, kentzeko edo aldatzeko eskatu ahal izango du, arrazoiak azalduta.

Aldaketek ezin dute inola ere diru-laguntzaren zenbatekoa handitu.

11. ERAKUNDE ONURADUNAREN BETEBEHARRAK

Diru-laguntzaren erakunde onuradunak azaroaren 17ko 38/2003 Legearen 14. artikuluan jasotako betebeharrak bete beharko ditu, eta, bereziki, betebeharrak hauek izango ditu:

A) Helburua betetzea, jarduera egitea eta diru-laguntza emateko oinarri den portaera hitzarmen honetan eta diru-laguntza emateko ebazpenean ezarritako moduan, baldintzetan eta epean hartzea, dagozkion justifikazioak aurkeztuz eta Kultura Sailak jarduketak behar bezala ebaluatzeko behar diren datuak emanaz.



Azpeitiko Udala

B) Organo eskudunak eskatutako gastuak justifikatzea fakturekin eta merkataritzako trafiko juridikoan froga-balio baliokidea duten edo eraginkortasun administratiboa duten gainerako dokumentuekin.

C) Diruz lagundutako jardueretarako funtsen aplikazioaren kontrol- eta jarraipen-jarduketak onartzea, dokumentuak egiaztatuz eta Kultura Sailak finantzatutako jardueren amaierako ebaluazioa eginez, bai eta Kontuhartzaitzak eta Kontu Auzitegiak funtsen finantza-kontrola egitea ere.

D) Diru-laguntza publikoak kudeatzeko prozedurak modernizatzen laguntzea, Udalak zehaztutako tresna informatikoak erabiliz.

E) Diru-laguntza jasotzen duten proiektuen eduki nagusia osatzen duten jarduerak kudeatzea eta zuzenean egitea.

F) Datuak babesteari buruz indarrean dagoen araudian xedatutakoa betetzea.

Alderdiek adierazten dute ezagutzen dituztela Datu Pertsonalak Babesteko eta Eskubide Digitalak Bermatzekoari buruzko (3/2018) Lege Organikoari eta Datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituen eta 95/46/EE Zuzentaraua (Datuak Babesteko Erregelamendu Orokorra) indargabetzen duen Europako Parlamentuaren eta Kontseiluaren 2016/679 (EB) Erregelamenduari buruzko xedapenak, eta konpromisoa hartzen dute lege horretan aurreikusitako betekizunak betetzeko, hitzarmen hau dela-eta dauzkaten erabiltzaileen datuei dagokienez.

G) Diru-laguntzaren jatorria behar bezala identifikatzea eta jardueraren finantzaketaren izaera publikoa behar bezala zabaltzea. Horretarako, diruz lagundutako jarduera zabaltzeko erabiltzen den materialean, proiektuaren ondorio izan daitezkeen iragarkiak, kartelak eta argitalpenak txertatu beharko ditu, bai eta gauzatutako jardueren inguruko esku-hartze publikoetan ere.

H) Bere webgunean argi eta garbi adieraztea diruz lagundutako jarduerak Udalaren diru-laguntzen bidez gauzatzen direla.

12. EZ BETETZEAK ETA ITZULKETAK

Bidezkoa izango da jasotako zenbatekoak eta, hala badagokio, diruz lagundutako jarduerak sortutako diru-sarrerak eta diru-laguntzagaratik sortutako interesak itzultzea, bai eta dagokion berandutze-interesa eskatzea ere, diru-laguntza ordaintzen denetik bidezkoa den egunera arte.

13. ZEHAPEN-ARAU BIDEA

Diruz lagundutako erakundeak diru-laguntzen arloan egin ditzakeen arau-haustek azaroaren 17ko 38/2003 Legearen IV. tituluaren eta azaroaren 17ko 38/2003 Legearen Erregelamenduaren IV. tituluaren ezarritakoaren arabera mailakatu eta zehatuko dira.

Eta, hitzarmen honetan ezarritakoarekin bat datozela adierazteko, hala jasota gera



Azpeitiko Udala

dadin eta dagozkion ondorioak izan ditzan, jarraian agertzen direnek honelako hiru ale sinatu dituzte, jatorrizkoak, idazpuruan adierazitako lekuan eta egunean.

Nagore Alkorta Elorza Azpeitiko Udala  	Josu Eizagirre Arregi Azpeitiko Musika Banda Elakrtearen lehendakaria 
--	---